

中國方志叢書·華中地方·第四七〇號


據

清·李景嶧等修，史炳等纂
清嘉慶十八年修，光緒二十二年重刻本

影印

江蘇省

溧陽縣志



5477/07
成文出版社有限公司印行



10098013

中華民國七十二年三月臺一版

溧陽縣志 全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

栗陽興泰

溧陽縣志敘

天下有公家之書而成於官不若成於私者史與志是也史自兩漢三國以迄六朝父子授受師友纘續卽有駁雜必自成家自改爲官書而蕪穢疏畧百弊叢生或廼顛倒是非乖反先後夫經學莫盛於漢義疏出而先儒之師說微矣然好學之士猶能博採而並存之至於史則有所不敢議野紀叢書更難於辨正也志者史之派別而細大懸殊宜可盡心然余見近時所修邑志其中卓然可傳者惟錢辛楣少詹所輯鄞志邵二雲學士所輯餘姚志兩先生皆以絕識博學考證古今咸有據依二雲又其邑人故能精審若是近則有唐陶山刺史

海州志體例不戾於古他之爲志者類以邑宰主之其宰而賢有文者雖少異庸衆然或付託不得其人或以案牘之勞無暇悉心於此或漫不訾省督責迫促之而其書之可觀者尠矣溧陽之有志自宋始凡數修而迄於乾隆之八年距今蓋七十年矣前志旣未盡滿眾望而更厯歲久闕焉不紀有人物翳然之慨於是邑之士大天請於前宰李君葛峰定重修之舉推史孝廉恒齋主其事余踵葛峰後承乏於此越兩年而觀厥成竊謂此舉廼士大夫之志又前宰李君爲之倡余何敢掠美以爲己功然卒有所不得辭而敘之者蓋此書有繫於邑人者一有助於余者二何則志以傳信必信而後可

傳恒齋老於文學熟習掌故於錢邵二先生書風所宗
尙其考證必不苟余復爲定其去取斷無如前所云云
者然則此志可信可傳當與海州志並稱旁邑之士大
夫必有見而興起者以此志爲準邑之人不與有榮乎
此繫於邑人者一也余初蒞官日邦之風土民俗都所
未諳因輯是書隨時探討以爲采風問俗之先路其助
一也自乾隆八年以後宰是邑者不可以數計中間數
十年數十人其姓名里居皆茫然無考故老舊人亦無
能言者今此志成於余爲宰之日志一日傳則宰之姓
氏一日不忘姓氏一日不忘則其人之賢不肖亦與之
不忘私自惟念其敢不策慮幅臆以無爲此邦人士之

羞乎是其爲助也大矣用是不辭固陋而述爲志之難
以塞士大夫之意挂名簡端庸有以自警也嘉慶十有
八年六月八日知溧陽縣事錢塘陳鴻壽敘

溧陽縣舊志敘略

敘者所以敷陳書旨志經改纂體例必更而猶歷載原敘則敘之與書兩不相應焉用此贅設者乎但吳志所載前人敘跋共有八篇今亦難以刊落因并吳自敘共九篇錄之而姑見義例於此既是附存梗概不妨節取精醕如覽者欲考得失於原文舊志固具在也其歷修名氏亦隨時附列以備參稽

明萬歷帥志敘

溧陽有志自宋乾道始志者紀也紀郡邑之史也周官小史掌邦國之志外史掌四方之志以察民俗以稽吏治郡邑視古侯國而無史官經世之士膺厥任者以時

溧陽縣志

舊敘

考事次其闕失式備一方之史亦猶行古之道也故志者典章存焉教化寓焉治忽在焉匪徒具文侈觀耳矣我國家定鼎金陵設官分職應天領縣入溧陽土地視諸邑較廣其政賦殷繁視附郭二邑為尤劇楚澤帥侯來尹茲土公暇繙閱舊志或濶略而未審其詳或浮靡而未核其實懼無以新羣黎之耳目而一其心志也爰請監司延致師儒證諸典籍詢諸父老凡幾閱月而志成總其綱十有三列其目五十有二本之所以廣學推之所以立政申之足以贊業垂之足以示遠者也侯以進士莅政二載廉正而仁恕明作而愷大行將陟臺省歷樞要以察百官均萬民區區一邑之志真莞爾於牛

刀云者然君子為政不以備物飾治為貴而以直道信

民為難夫苟不枉吾道不患乎民之弗信不疑吾民不患乎政之弗成故疆域以昭其勝人物以昭其靈宦績以昭其政典籍以昭其文茲志之大者耳目之所逮也其他財賦之出納經費之盈縮豪縷必析錙銖必較豈惟民莫之知而豪強貪暴胥此兆孽自非直道以求信於民者必不肯底慎於紀載之明盡然非紀載之明且盡亦奚以自信於上下之法守是故杜多取之門嚴兼并之坊尙有利於我民豈小補云者茲志也非直可以例諸他邑推而達之郡國天下裕如也傳有之經界既正分田制祿可坐而定後之尹茲土者尙鑒之哉

溧陽縣志

舊敘

言歸志賦役詳權利民而山居野志專駁之當俟詳考萬歷甲戌仲冬之吉賜進士及第亞中大夫雲南參政致仕前南太常少卿翰林侍講經筵國史官同修會典浚儀邢一鳳書

案其時纂輯者邑人陳邦治宋臣熙滕養志彭履常又有山居野志邑人狄斯彬撰國朝康熙丁未徐志敘

江陵徐公履常治溧甫下車即有志於治天下之大端先取境內之圖籍觀焉因以問於不敏穎知子故嘗有志於一邑之事也予廼舉所藏前侯符帥二公志并鄉先生狄公野志共三帙及予所自輯閭史合而是正於公公則於制治之暇採擷成編焉凡邑之事載於編中

者州野之分畫山川之表會官府之建置學校之興修
祠祀之秩文而橋梁溝塗亭臺館圃郵舍戍障廩庾之
細寺觀之幽靡不具焉以至風氣之有清濁吏治之有
隆汙民生之有休戚地方之有舒急財計之有詘盈人
材之有盛衰防禁之有完窳則皆公之所經營無倦也
蓋其所以綜理於邑中者極誠且敬故即其編纂所至
而皆足以徵其周慎也吾觀古之求治之殷者常隨事
而設教因教以守常而達變而所爲集眾美以永其傳
則莫備於邑志舉一志而不徒爲一邑之志求之於天
下之大焉讀其發端而鏡作者之無不該也舉一志而
不徒爲一邑一時之志求之於今古之遠焉讀其前後

溧陽縣志

舊敘

之所援引而并鏡於其設縣之本末也舉一志而不徒
爲一邑一時一人之志求之於某事而非必某事之爲
某人設也求之於某人而又非必某人以某事傳也求
之於人與事相符相銓之故而某人之所爲某事之所
繫又非必其通於作者初終之大其也斯廼以知

極盛之世治術尊於

一人學術明於人人卽以是爲貴人天右神明合道藝動民物
之用也又奚歉焉予廼因是而深有慨於邑志之成之
難也宏治之志邈矣萬曆之志成於江陵帥公而鄉先
生狄公以田賦實徵爭之爰有野志要各無競心讀者
自有酌量焉天啟之志成於慈谿董公而虞孝廉實職

其事已脫囊矣囊留鄉先生某所不傳順治中閩縣林
公見予問史將付梓人尋以他事去不果蓋帥公志闕
今九十五年始得徐公繼之又皆江陵人也茲志於溧
陽其因創之間乎於江陵其後先之揆乎故讀之而若
古人之推揚於其上於其左右也抑讀之而若今人之
同堂而處相與揖接酬答於筆墨之間也由一邑及於
天下而使之各有其文章各有其政事焉可不謂之盛
業乎哉今公晉秩中翰代者且至而猶惓惓於此必期
剗剗竣事以語論於邑中子故審謨猷之所肇尊問學
之所正而推是編於符帥之上予聞史又奚足云敬以
是復公之請康熙六年歲次丁未邑人吳穎撰

溧陽縣志

舊敘

四

案其時雖未有邑人助纂而書中事實悉本吳穎閩
史特卷目頗異耳

康熙癸丑王志敘

溧陽爲金陵屬邑幅員廣輪大約百里其地山水相半
其民火耕水耨飯稻羹魚諸種擾外無異產田廬廛肆
外無業而鉅公名俊代不乏人今猶昔也故稱名邑
邑有志始自宋乾道追明符帥諸公代修之而皆不如
今之吳太守閩史爲尤詳且核康熙丁未前令今中翰
江陵徐公纂修大旨指衷於三家亦已大備辛亥錫珣
來爲令癸丑奉檄重修距徐公之修才六年輿地建置
山川財賦軼事之屬類無增損惟夫官師代遷頻歲繼

起科名新榜視昔彌增而山川鍾毓人物英多或甫沒世而名稱亦有歷年而論定是皆不可以不志也故今爲志官師補若干人而添設若防師等視此矣爲志科名補若干人而諸貢薦辟若援例等視此矣爲志人物如孝義如循良如文學如貞潔補若干人而方伎流寓不必補且無可補矣夫溧自東漢壯侯以功臣列爵於此故其人至今多立功名善表建或少壯登朝宏通適用或方州郡邑所至著聲自伯喈元暉太白東野來遊遺有讀書洗墨登樓射鴨諸勝故其人至今雅善屬文喜獻詠大而鴻筆爲國之風雨小而短章亦世之琳琅又有奇女振窮名垂越絕不屑酬劍自甘沉江故至今

溧陽縣志

舊敘

五

女子多貞嚴虧禮越義之誠長成俗表指困捐粟之槩此皆風化之所自也若乃遺著三忠僕殉妻子精貫星日垂法方來後之君子爲良臣爲名臣爲能臣則皆忠之屬也不專傳忠而忠傳其餘孝友諸傳則必各因其事類而傳之者也序記歲月並爲及此抑此百里之幅員亦可以稱名邑矣康熙癸丑仲冬之朔知溧陽縣永嘉王錫琯撰

康熙甲子成志四敘一跋

說者謂作於前者難爲功述於後者易爲力而予獨不謂然夫人創未有之書成不朽之業繼力肆志以圖之前無所師後無所忌豈不綽有餘裕若守前九楷模爲

之步趨焉縱抱伯喈曠代之才不過青於藍而寒於水豈能獨出機杼成一家言也哉溧志自宋元而上遐哉不可考已有明修自符帥本朝纂於徐王踵事增華積薪致慨久矣今天下海宴河清放牛歸馬

朝廷議修大一統之書先

命各省郡屬續補志乘懋勲承乏茲邑甫及下車望伍大夫立馬之峯弔史義女投金之瀨山川鍾秀甲第巍巍文章氣節爲金陵屬邑之冠矧中郎書櫺石戶猶存太白酒樓風景不異雖復碑斷薔薇石孤忠義未嘗不低徊感慨慕尚高風獨惜牽於簿書難與筆墨從事耳遂謀諸

溧陽縣志

舊敘

六

摺紳敦請鍾陳兩君司董狐之任此兩君者英年高第閉戶著書其才其學與其志非不欲考訂經史搜羅野乘刪繁蕪而補闕略再成一書以昭太平盛事也迺限於時日述而不作凡山川官師科名人物諸條例悉因舊文增益之而水利兵制物產賦役諸篇則皆言之鑿鑿經緯秩然可想見其胸中所有其才其學真可與讀史并可與作史者矣僅產羽邑志已乎刻成遂書數言爲之敘康熙二十三年歲在甲子知溧陽縣長垣成懋勲撰

案其時纂輯諸人見下敘跋

將使官斯邑者有所稽以成治生斯邑者有所感以成

俗則必取乎志是故邑志之舉良有司務盡心焉而不能不於邑之人是問蓋非邑之人弗習弗習則爲舛誤爲挂漏往往多有淆慕帛於製錦升鼎祖以寸櫛吾未見其善也然則志之藉手邑人可知矣今

天子以中外一統

詔郡邑交修志事而吾邑成侯甫奉檄即廣詢博採進子與陳子而屬筆焉爰是入館濡豪謀所以修志之要夫湮之志舊矣若符若帥若徐與王亦既釐然以備而或者以後之繁不及前之簡余曰否否邑志貴詳詳貴嚴嚴貴文不詳則漏不嚴則浮不文則傳之不遠今一邑之志雖累千百紙進而爲通志存者什之一矣進而爲一統

溧陽縣志

舊敘

七

志存者又百之一矣而於邑先有所缺遺何以待採擇且志與史不同史昭勸戒志備參考昭勸戒則筆削宜嚴備參考則凡一建置一興革一嘉言懿行務亟收錄焉唯其紀往徵來信今傳後已耳迺雖黃其口摘瑕而棄瑜不亦繆與陳子以爲然於是披覽舊志舛者訂之逸者補之新者增之閱月而彙成雖未敢謂言之文行之遠然既詳既覈庶乎一邑之大觀具矣由此而推之郡國由此而推之天下斟酌損益卓然昭一統之書用以輝煌

大治補敝太平詎不盛哉此子與陳子之志所以報命成侯者也雖然凡予兩人之爲此日夕匪懈以折衷於鄉士

大夫固已合一邑之人修一邑之志不過藉僉謀以免失墜焉耳若謂余兩人憑胸臆以擅其成也又烏乎敢康熙二十三年歲次甲子邑人鍾于序撰

溧之見於夏曰中江見於周曰瀕水兩漢而下史不一書矣迺三千餘年志乘闕略非果闕略也宋以前之事今具見於景定建康郡志至明宏治萬厯間符帥二公乃始後先纂輯邑志焉

本朝康熙間徐王兩先生增華繼起歲在癸亥朝廷將修一統之書

命下直省重修通志時泰適應邑侯之請濫膺纂輯撫躬自問不勝赧且懼者蓋欲搜二十一史補山川人物之勝於

溧陽縣志

舊敘

八

邑志有神矣慮翻案於先達欲踵前人步趨聽浮沈於時好於人情無忤矣終噴飯於後人兩者交戰於胸而筆不敢輕下者再忽自信曰吾亦無愧吾心而已見一忠孝亟稱述焉不敢效吾家志三國者索米作佳傳也見一節義亟採擇焉不敢學續劉向書者濫收三易操之文姬入列女也案原本蓋以爲子夏溫收西漢人安得及東漢之末續列女傳有之耳所見者自信其詳且慎不敢有異辭矣而所聞并所傳聞者限於前志之闕略時勢之拘牽不敢是正又深愧於無異辭名山大川間氣時鍾所望後乎此者網羅舊史旁搜野乘述兼以作爲瀕水胥山力開數千年生面秉筆者無掣肘之歎苟觀者無固陋之譏庶吾心

不能伸於今日之遇而或見諒於後人之心安在秦王

轍迹齊帝登庸諸大事按上列據趙世宗始皇東遊秦更安今當春秋月陽原陽云云下

句增南齊書蕭道成爲天世合後即位彪炳前史宋原

不煩更正中不煩南齊書同正而志書終或闕畧也哉

倘第云官師之升降科名之登載土田錢穀之徵收一

胥吏事耳於邑志雖不無少益然吾輩秉筆之心終自

視闕然矣康熙歲在甲子邑人陳時泰按此放深川

以一邑概天下難免蠡測管窺之見烏乎知其大然天

下者一邑之積也士不出戶庭而知天下事

上不遣輪軒之使而可以彙成車晉大一統之志胥於邑志是

上

溧陽縣志

舊敘

賴去秋

朝廷有事乎纂修會典

詔直省各修通志而必以一邑之記載發其端董率之檄頻下

邑侯成公黽勉從事必欲延致博洽之儒諳古蹟而通

世事者秉筆爲之庶免紕繆遺漏之譏以訪於余余以

鍾君東澤陳君尚于對二君既膺是任殫心編輯以徐

王舊志爲筌鉢而斟酌損益之廣以學士之見聞參以

稗野之記述置孝子慈孫之家乘凡一言一事之廢無

不節取而嘉子焉宿博徵而毋遺美甯傳疑而毋臆斷

凜凜乎詞之繁而不失之穢且維余爲之反覆細釋知

二君之爲是書非徒侈綜覽之富也蓋藏往卽以知來

爲後人立之鑒焉故徵星野則牛女之躔次卽法春秋

之不言事應而事應具存爲修省之資也辨山川則南

嶺北挑之界卽法王制之瀕洩封表蒐蕞慝而慎隄防

爲未雨之計也釐賦役則念條鞭畫一之冊奉公便民

慮遵行者漫失其初而橫征私派之剝下也核吏治則

法太史公之美惡並著循良何以聖書見褒貪酷何以

墨刑示誠書名書氏皆可爲吏事之師矣至若文章忠

孝高士列女諸傳疇若淑而不彰

國朝首重制義兼採詞賦而科貢諸途與山林隱逸之士

無不徵求疇若微而弗錄斯貴賢賢之義交盡者矣

是在後之讀者循名以核實因辭而逆志則邑志之所

溧陽縣志

舊敘

保豈淺鮮哉余從二君之後閒劬咨詢校讐之勞而謫

陋未敢涉筆幸得與名簡端故綴數語以質之高明其

猶存蠡測管窺之見也夫

賜進士第邑人吳琇撰

聖天子聲教誕敷車書畢集

特詔直省廣求名儒重修通志以成一統之書吾邑成侯咨訪

英賢得鍾子東澤陳子尚于以任董狐之筆如瑾雖謫

陋未敢妄參蠡測而欣逢盛典共襄厥成不禁肅然起曰

邑之有志猶國之有史也史昉春秋春秋之書因魯史

而筆削之傳其舊也春秋之義善善長而惡惡短惟其

公也溧邑之志符帥創於前徐王纂於後踵事增華彬

彬盛矣至於嘉言懿行上備

朝廷採擇下垂一邑典刑纂輯之下徇眾固嫌於濫執已
又病其私今鍾陳兩君高才碩學著作等身皆可前無
古人後無來者區區一邑之志豈不能有參三十一史
博覽山川人物獨出其胸中所學一筆一削卓立成書
為黼黻太平之盛事而乃青出於藍資於腋取前志
所未有而增補之隨聞見所已及而收錄之是遵何道
哉傳其舊也亦惟其公也此余於兩君不獨深服其才
而深諒其心也與若夫天文之災祥水利之通塞建置
之興廢賦役之增減官師科名之記載忠孝節義之表
揚志固燦然言之余可勿贅

深陽縣志

舊敘

上

賜進士第原任福建福州府推官陞金華知府邑人黃如瑾跋
乾隆癸亥志敘

天地其運處乎萬物其萌庶乎聖賢豪傑其日出而不
窮乎孰紀極之而使流傳於千萬年哉夫自乾坤開闢
龍圖鳥蹟紀載鴻濛惜墳典邱索半多湮沒及章亥縱
橫以後輿圖地理庚庚堂禹貢一書詳載土田山川
平成之數其後復有山海職方王會諸書以佐之而歷
代史家並立地志皇皇乎蒙泉日下皆入簡編矣我

朝

列聖相承

德教所被無遠弗屆

特命內外臣工續修一統志諸書以垂示萬世巍乎煥乎自神

州赤縣以及梯航輳譯之區山川職貢瞭如指掌軼漢
唐而隆虞夏矣江南古禹貢揚州之境其星野疆域周
官史記約略可考自班固前漢書而下郡縣加詳幅員
之廣山川人物之秀雖海濱江洲比他省上郡而溧陽
春秋平陵舊地固城湖其址也案二句誤詳見疑解自伍員北伐
山爲胥山河爲胥河而投金之瀨吳越春秋具載其事
李謫仙所云風號吳天月苦荆水令人生憑弔之思者
顧其文獻之流傳向俱附載江甯郡志而邑乘創於宋
趙廓夫今不可得見矣明嘉靖邑令符公觀始復纂修
繼之者則萬應問邑令帥公蘭也

深陽縣志

舊敘

上

本朝文章制度超軼前修康熙間邑令江陵徐公一經復
纂集成書已有鐫板厥後王公錫珣成公懋勳續爲增
補迄今剛周甲子矣乾隆三年板燬於火何忍以千
百年之文獻而遺付之一炬往者不可徵來者將誰問
乎學濂初莅茲邑未悉其風土人情諸紳士告予宜修
邑志予以有待辭且懼才力之不勝任也顧惟溧邑山
有石屋伍牙芝掌白石之奇水有五堰洮湖九陽千里
之勝煙巒合沓波瀾壯闊昔稱畿輔控扼江湖距海不
及三百里甯非東南形勝要害之區哉今亦既庶且繁
矣且千百年來人材蔚起忠義著於南宋文物盛於

熙朝甯非觀風者所宜採訪而傳述乎學濂七年於茲公餘

之暇訪諸遺民書舊之傳聞彙諸里巷稗編之記載卽舊本而損益之不敢謂辭文旨遠廟著作之林而臚列山川紀極人物使文獻足徵以信今傳後爲職方氏之權輿意者其在斯乎乾隆八年歲在癸亥孟冬知縣事高安吳學濂撰

案其時纂輯者邑人翰林院庶吉士陳大瞻前江西瀘溪知縣沈元煉湖北羅田知縣彭朝佐揚州府甘泉縣訓導蔣音孝廉方正史壽進士周懷濟狄慶舉人黃兆熊宋辰史貽謨任奎書彭暉生員潘望孫狄重陳匡馬述元捐資監刻矜書狄如洵潘上達潘成吉王颺姚拔宋學瀛蔣國琦朱其學陳奕仁陳志聲

溧陽縣志街名

各憲鑒定

太子少保協辦大學士兵部尚書都察院右都御史總督江南江寧等處地方提督嚴郡百齡
兵部侍郎兼都察院右副都御史巡撫江寧等處地方總理糧儲提督軍務朱理
兵部侍郎兼都察院右副都御史總督漕運提督海防軍務兼理糧餉阮元
兵部侍郎兼都察院右副都御史總督江南等處河道提督軍務黎世序
吏部右侍郎正黃旗滿洲副都統提督江蘇等處學政文甯
江南蘇州等處承宣布政使司布政使世襲雲騎尉慶保
江南江蘇等處提刑按察使司按察使兼管驛傳事楊懋愷
督理江安徽甯池太廬鳳淮揚十府糧儲道繼昌
督理江南蘇松常鎮太糧儲道兼巡視漕河李長森

溧陽縣志

街名

江蘇分巡常鎮通海等處地方兼管河務兵備道督理揚由關務劉雲

江蘇鎮江府鹽捕海防理事同知懷錦

江蘇鎮江府糧捕通判管理客務周岱

總修

前知溧陽縣事調任常熟縣知縣李景輝

溧陽縣知縣陳鴻壽

協修

教諭潘恩印

訓導許會昌

縣丞劉大章

典

纂修

前興化縣教諭 咸安宮教習史炳

國子監學正改授常州府教授史度

舉人彭煜

歲貢生彭敬

生員史津

監理生員史煜殊

監封奉直大夫州同加級狄箕

監生趙亦庸

溧陽縣志

街名

監生馬繩武

採訪經捐

監生史重修 監生史藩

監生韓季英 監生莫廣才

監生王如昂 監生榜蔣先庚

監生楊彥斌 監生士楊步蟾

監生史聖康 監生員姜尊德

監生員莊洙之 監生員周慎珍

監生員周高煥 監生員潘昭

監生員潘芬 監生員潘韞玉

職員宋培

生	員狄修	廩	生狄升
生	員張履旋 以上舉	舉	人葛暉吉
歲貢	生唐岐	生	員陶恩光
生	員趙魁	生	員宋序鏞
生	員唐燦	監	生戴清
以上舉		生	員陳治
東區			
廩	生黃玉成	監	生宋紀良
以上舉		監	生尤素行
西區			
生	員朱華	監	生張汝南
廩	生尤吉	生	員陳重光
監	生戴璜	監	生張挾
溧陽縣志 街名 二			
以上舉		州	同王際可
得區			
生	員方榕 子	監	生錢玉山
生	員錢勳	監	生王利清
生	員王之維	監	生王拱辰
以上舉		副	榜吳再寅
隨區			
監	生吳德先	貢	生朱東魯
監	生章旭初 以上從	生	員趙讓
生	員王旭	生	員虞學常
文	學虞名緒 以上桂	監	生湯岳
附貢	生湯徵召	監	生強南珊
以上奉		舉	人宋兆麟
安區			

職	員董嶽	監	生孫綸
職	員余耀	監	生蔣達禮
文	學蔣繩桂 以上舉	生	員陳敦士
監	生沈漣	生	員陳懷周
監	主陳岳泉	監	生潘學詩
以上舉		檢	討陸際昌
蘇區			
監	生葛弼	監	生呂匡武
附監	生呂維寅	生	員陸占鼂
附貢	生楊浣	生	員陸鵬九
以上舉		封登仕郎仁和縣主簿李振	
太區			
監	生虞謙	監	生張珍
溧陽縣志 街名 四			
生	員馬玉駒	生	員馬樹榮
監	生梁愷	生	員史蔚文
附監	生顏光鎮 以上永	舉	人彭啓光
生	員錢運增	生	員彭龍初
以上永			
利區			

溧陽縣志凡例

一是書前奉 制府檄飭所屬纂送以備彙修江南通志並立程限務在詳明竊惟志書首嚴體例必式於成軌方可造車謹案乾隆元年黃中允之稿承修通志總二百卷釐爲十門輿地河渠食貨學校武備職官選舉人物藝文雜類粲然備矣子目數十分而隸之四庫書目痛其具有條理今輒依循其各條專例與各門總例附見書中者茲不具列覽者省照全編足以互相備云

一志者史之一體獨宜載輿圖政典之類而已然李吉甫元和志序有云古今言地理者凡數十家飾州邦而

溧陽縣志

凡例

敘人物因邱墓而徵鬼神則知自唐以前承用一律而偏隅記載較諸元和郡縣元豐九域一統之規既是小大相懸卽須繁簡有別且邦人之意固不能備文而遺獻皆輿圖政典之外更仿京口耆舊浦陽人物別爲一冊相輔而行亦祇簡編離合之不同非著作醞莛之所繫也是故後之述者正不必盡依史例惟瀏覽眾家不無通徹或好尚古遠傳疑諸俗元和志序語或自述鄉國不參他書杜佑通典注語此紀事之失盡飾敷庸常嗤述敗劉向文心雕龍擢後生於首帙抑先輩於末章劉向文心雕龍失又有土地職秩不實書當代名目而易以文言長吏達官不直書本人名氏而稱其位號今略循史例補正

爲多其漫無足考則姑從舊志云爾

一建置沿革輿地大經考之不審則疆域形勝既昧方隅職官人物亦滋傳會案溧陽之爲縣遠起周秦其後虛造而學者第勿深考改事失真遂使平陵設於楚將永平析於漢武指沛屬爲丹陽之縣移武康作潁上之封誤始宋元非闕晚近茲焉刊正悉據史篇

一山水所以標置封域區別夷險鄰樵通志謂州縣之設有時而更山川之形千古不易誠輿地中要領所在也然諸志皆散列名目中無脈絡可尋今敘山分三大支起首訖尾略依山海經例敘水分五大支入此出彼

溧陽縣志

凡例

略依水經注例並載方隅距里雖未能足跡周流用儀實測要皆訪之地著書老熟路長年庶幾得其梗概覽者若更參之新製全圖則高下眞形宛然在目矣

一舊志本無河渠今依通志增立蓋川浸源流或可併入輿地至於高原下隰利病情形舊志新塘廢興顧末若置之輿地是爲名義相乖史記無地理而有河渠前漢溝洫別於地志良有由耳且三江五湖溧陽各得其一遼關數郡之利近寄百里之命爲立備門固非虛張部帙鑿空無稽也

一食貨以田賦爲本乾隆八年吳志所載現行科則信爲賾備前明亦尙條舉大端而宋元兩朝闕略殊甚空